



Bosna i Hercegovina  
Federacija Bosne i Hercegovine  
Srednjobosanski kanton/Kanton Središnja Bosna  
Kantonalno tužilaštvo Srednjobosanskog  
kantona/Kantonalno tužiteljstvo Središnja Bosna  
Travnik

---

Broj: T06 0 KT 0036614 25  
Travnik, 22.10.2025. godine,

**OPĆINSKI SUD U TRAVNIKU**  
**Sudiji za prethodno saslušanje**

Na osnovu odredbe člana 45 stav 2 tačka h) i člana 241 st. I Zakona o krivičnom postupku Federacije Bosne i Hercegovine, podižem

**OPTUŽNICU**

**Potvrđena dana 02.02.2026. godine**

Protiv:  
**B. K.**

**Što je:**

Dana 09.12.2024. godine u mjestu Donje Putićevo, općina Travnik, izazvala opasnost za život i tijelo ljudi, na način da je postupajući protivno odredbama člana 5. stav 5. Pravilnika o držanju opasnih životinja (Sl. Glasnik BiH broj: 27/10), kojim je propisano da vlasnik mora opasnog psa držati u zatvorenom kavezu ili objektu adekvatne veličine, iz kojeg ne može pobjeći, a ulazna vrata moraju biti zaključana, psa belgijski ovčar, pasmina Malinoa zv. „Maks“, čija je vlasnica, držala ispred svoje porodične kuće bez izravnog čuvanja, gdje je pas na nepoznat način izašao iz dvorišta na javnu površinu, tačnije na lokalni put i tom prilikom napao i ugrizao za lijevu natkoljenicu prolaznika D. L., svjesna da bez izravnog čuvanja i bez odgovarajuće zaštite psa može nastupiti zabranjena posljedica i pristala na njeno nastupanje, uslijed čega je oštećeni zadobio tjelesne povrede u vidu ugrizne rane u predjelu dorzalne strane lijeve natkoljenice.

dakle, nesavjesnim postupanjem u čuvanju i držanju psa prouzrokovala ozljeđivanje drugog.

Čime je počinila krivično djelo Nesavjesno čuvanje pasa i drugih opasnih životinja iz člana 327. stav 2. u vezi sa stavom 1. KZ F BiH.

Radi toga,

KANTONALNI TUŽILAC

Poštovani predstavnici medija, molimo Vas da prilikom prenošenja vijesti imate u vidu da osobe, na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.